



Broj: 16-12-16-5821-~~10~~ /21
I. Sarajevo, ~~20.09.~~ .2021. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), člana 9. stav (2) Pravilnika o uslovima i načinu korištenja e-aukcije („Službeni glasnik BiH“, broj 66/16) i Izvještaja o toku i završetku e-aukcije od 09.09.2021. godine, na preporuku Komisije za nabavke za potrebe Državne agencije za istrage i zaštitu u 2021. godini broj 16-12-16-5821/21 od 09.09.2021. godine, u postupku javne nabavke alpinističke opreme za potrebe Državne agencije za istrage i zaštite, direktor Državne agencije za istrage i zaštite, d o n o s i

ODLUKU

o izboru najpovoljnijeg ponuđača u postupku javne nabavke alpinističke opreme za potrebe
Državne agencije za istrage i zaštite

Član 1.

U postupku javne nabavke alpinističke opreme za potrebe Državne agencije za istrage i zaštite (daljem tekstu: Agencija), putem Konkurentskog zahtjeva za dostavljanje ponuda, korištenjem e-aukcije, na preporuku Komisije za nabavke za potrebe Agencije u 2021. godini broj 16-12-16-5821/21 od 09.09.2021. godine, ugovor u predmetnom postupku javne nabavke dodjeljuje se ponuđaču „AQUA BALKAN“ d.o.o. Konjic, ponuda broj 16-12-16-5821-7/21 od 30.08.2021. godine, za ponuđenu cijenu u iznosu od 12.030,00 KM bez uračunatog PDV-a, umanjene prema rezultatima e-aukcije.

Član 2.

(1) Ponuđač „AQUA BALKAN“ d.o.o. Konjic obavezan je ugovornom organu dostaviti dokaze o ispunjavanju uslova iz tač. 3.1.1. i 3.1.3. Konkurentskog zahtjeva.

(2) Dokaze iz stava (1) ovog člana (orginal ili ovjerena fotokopija), ponuđač je obavezan dostaviti ugovornom organu u roku od pet dana od dana prijema ove odluke.

Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Agencije.

Član 4.

Za izvršenje ove odluke zadužuje se Sektor za materijalno-finansijske poslove Agencije.

Član 5.

Ova odluka stupa na snagu danom donošenja.

Obrazloženje

Odlukom direktora Agencije broj 16-12-16-5821-1/21 od 11.08.2021. godine pokrenut je postupak javne nabavke alpinističke opreme za potrebe Agencije, procijenjene vrijednosti 12.820,00 KM bez uračunatog PDV-a, za koji je obavještenje o javnoj nabavci objavljeno na Portalu javnih nabavki broj 1161-7-1-209-3-69/21 od 13.08.2021. godine. Novčana sredstva za realizaciju navedene nabavke obezbijedena su u okviru budžetskih sredstava za 2021. godinu, na osnovu Odluke o privremenom finansiranju institucija Bosne i Hercegovine i međunarodnih obaveza Bosne i Hercegovine za period juli-septembar 2021. godine („Službeni glasnik BiH“, broj 44/21) i Dokumenta okvirnog budžeta 2022.-2024. godina.

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Obzirom da je tačkom 6. Konkurentskog zahtjeva navedeno da je rok za dostavljanje ponuda 30.08.2021. godine do 13.00 sati, te da se ponude dostavljaju u zatvorenoj koverti, Komisija je dana 30.08.2021. godine u 14:00 sati izvršila javno otvaranje ponuda prema datumu i vremenu prijema, numerišući kovertu, te je konstatovala da su u ostavljenom roku pristigle tri ponude na Pisarnicu Agencije.

Na javnom otvaranju ponuda nije bilo prisutnih predstavnika ponuđača.

Blagovremeno su dostavljene tri ponude, i to:

R.br.	Broj protokola	Naziv ponuđača	Datum i sat prijema ponuda
1.	16-12-16-5821-6/21	„SHOT“ d.o.o. Zenica	30.08.21.g. u 11:15 h
2.	16-12-16-5821-7/21	„AQUA BALKAN“ d.o.o. Konjic	30.08.21. g. u 11:20 h
3.	16-12-16-5821-8/21	VIP „DESIGN“ d.o.o. Sarajevo	30.08.21. g. u 12:25 h

R.br.	Naziv ponuđača	Ponudena cijena u KM (bez PDV-a)
1.	„SHOT“ d.o.o. Zenica	12.810,00
2.	„AQUA BALKAN“ d.o.o. Konjic	14.423,07 ponudeni popust: 1.608,17 ukupna cijena sa popustom bez PDV-a: 12.814,90
3.	VIP „DESIGN“ d.o.o. Sarajevo	15.949,75 ponudeni popust: 3.066,41 ukupna cijena sa popustom bez PDV-a: 12.883,34

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: ZJN), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Tačkom 2.1. Konkurentskog zahtjeva predviđeno je, uz ponudu, dostaviti opise sa tehničkim karakteristikama, nazivom proizvođača ponuđene alpinističke opreme i kataloge ili fotografije ponuđene opreme, koji ujedno moraju odgovarati minimalnim zahtjevima iz tehničkih specifikacija. S tim u vezi, a u cilju ocjene tehničkih uslova navedenih u Konkurentskom zahtjevu, Komisija se aktom broj 16-12-16-5821/21 od 31.08.2021. godine obratila Jedinici za specijalnu podršku Agencije (u daljem tekstu: JSP), tražeći uvid u dostavljene ponude, te stručno mišljenje po pitanju ispunjavanja postavljenih tehničkih karakteristika iz Konkurentskog zahtjeva i tehničkih karakteristika ponuđene opreme, odnosno da li ponuđena alpinistička oprema, na osnovu dostavljenih fotografija, odgovara traženim uslovima iz Konkurentskog zahtjeva za predmetni postupak nabavke. Komisija je zaprimila traženo mišljenje stručnih lica JSP broj 16-09-16-5821/21 od 06.09.2021. godine, sa obrazloženjem da sve tri dostavljene ponude zadovoljavaju tražene tehničke karakteristike alpinističke opreme predviđene Konkurentskim zahtjevom.

Uvidom u sadržaj dostavljenih ponuda, a cijeneći mišljenje stručnih lica Agencije, Komisija je utvrdila da ponuđači „SHOT“ d.o.o. Zenica, „AQUA BALKAN“ d.o.o. Konjic i VIP „DESIGN“ d.o.o. Sarajevo ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, ekonomske i finansijske sposobnosti. Takođe, Komisija je utvrdila da navedeni ponuđači ispunjavaju formalno-pravne uslove postavljene u Konkurentskom zahtjevu.

Uzimajući u obzir naprijed navedeno, a kako je za postupak javne nabavke alpinističke opreme za potrebe Agencije, tačkom 8.2. Konkurentskog zahtjeva predviđeno provođenje e-aukcije, u skladu sa odredbama Pravilnika, te imajući u vidu da su sve pristigle ponude prihvatljive, Komisija zakazuje e-aukciju za dan 09.09.2021. godine sa početkom u 10:00 sati u trajanju od 10 minuta.

Prema Izvještaju o toku i završetku e-aukcije od 09.09.2021. godine, Komisija je sačinila konačnu rang listu ponuđača koji su učestvovali u postupku e-aukcije za predmetni postupak nabavke, kako slijedi:

R/B	Naziv ponuđača	Ponuđena cijena bez uračunatog PDV-a	Rang
1.	„AQUA BALKAN“ d.o.o. Konjic	12.030,00 KM	1
2.	VIP „DESIGN“ d.o.o. Sarajevo	12.050,00 KM	2
3.	„SHOT“ d.o.o. Zenica	12.290,00 KM	3

Nakon provedenog postupka e-aukcije, shodno Izvještaju o toku i završetku e-aukcije od 09.09.2021. godine, Komisija je utvrdila da je bilo snižavanje cijena ponuda kao kriterij za dodijelu ugovora u skladu sa članom 8. Pravilnika.

Komisija je utvrdila da je ponuda ponuđača „AQUA BALKAN“ d.o.o. Konjic u iznosu od 12.030,00 KM ocijenjena kao najpovoljnija ponuda i da ne premašuje procijenjenu vrijednost javne nabavke.

Imajući u vidu naprijed navedeno, prihvaćena je preporuka iz Izvještaja o radu Komisije i odlučeno da se ugovor u postupku javne nabavke alpinističke opreme za potrebe Agencije dodijeli ponuđaču „AQUA BALKAN” d.o.o. Konjic, kako je navedeno u članu 1. ove odluke.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđačima 3x;
- Sektoru za mat.-fin. poslove;
- a/a.

GLAVNI GENERALNI INSPEKTOR POLICIJE

